



Timor-Leste

## KOMUNIKADO BA IMPRENSA

### PROGRAMA BA TREINU VOKASIONAL HODI APOIU DEZENVOLVIMENTU JUVENTUDE NIAN

*Treinu vokasional hodi aumenta tan kapasidade juventude nian komesa iha Becora*

*Dili /12 Setembru, 2005*

Fornese ba joven ho kapasidade teknika liu husi programa treinu vokasional nudar pasu kritika ida hodi ajuda no kria oportunitade servisu nebe sustentabel ba iha futuro. **“Programa Treinu Vokasional ba Joven Vulnerabel”** atu ajuda fo oportunitade servisu mesak ba joven vulnerable, veteranus no mos eis-kombatentes hodi hetan rendementu liu husi praktika kapasidade nian.

Ho apoiu orsamentu husi RESPECT, Treinu Vokasional ne'e sei halao liu husi ‘Escola Tecnica Profissional de Dili’ iha Devisaun ba Dezenvolvimentu Kapasidade Nasional husi Ministeriu do Trabalho no Reinsersaun Komunitade. Seremonia ba inagurasaun ne'e sei halao iha “Escola Tecnica Profissional de Dili” loron Tersa, 13 de Setembru, ho oras tuku 2 lorokraik.T

Treinu Vokasional ne'e sei treinu ema nain 69 no fahe ba fatin rua, nebe sei toma konta ba iha hadia automovel no solda nian. Atu garante katak programa ne'e fo mos benefisiu ba iha area rural, sei halo selesaun ba estudante nain 25 husi distritu ida idak atu bele partisipa mos iha treinu ne'e.

Treinu ne'e sei hato'o ba ema nain 25 iha periodu liu fulan 6 ba treinu hadia automovel, nune'e mos treinu solda nian sei hato'o ba ema nain 44 liu fulan rua ba tolu tuir kondisaun. Treinu ba kursu rua ne'e sei halo iha “Escola Tecnica Profissional de Dili” iha Becora. Durante kursu no treinu ba servisu sei iha ajuda husi subsidi nebe kik atu selu estudante sira nia presija

Wainhira treinu ne'e hotu, sira nebe tuir treinu sei iha fiar an atu partisipa ba iha estuda tuir mai iha Managementu Micro Bisnis nebe Ministerio do Trabalho no Reinsersaun Komunitade halao liu husi Devisaun Servisu ba Kapasidade Nasional ho parseirus seluk atu hadia sira nia teknika nebe apoiu mos ba sugestaun bisnis nian.

Objetivu tempu naruk kona ba programa treinu vokasional ne'e atu ajuda hamenus numeru bo'ot ba servisu nebe laiha iha distritu no aumenta tan kapasidade nebe halo mos rendementu familia liu husi sira nia iniativu rasik.

*“UNDP RESPECT hetan tulun orsamentu husi Governu Japaun”*

For more information please contact:

Kym Smithies, UNDP Media Officer on +670 724 4987 or [kym.smithies@undp.org](mailto:kym.smithies@undp.org)